

Službeni glasnik Bosne i Hercegovine broj 49/09

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 54. sjednici Predstavničkog doma, održanoj 27. maja 2009. godine, i na 31. sjednici Doma naroda, održanoj 18. juna 2009. godine, usvojila je

ZAKON O IZMJENAMA I DOPUNAMA ZAKONA O DRŽAVNOJ AGENCIJI ZA ISTRAGE I ZAŠTITU

Član 1.

U Zakonu o Državnoj agenciji za istrage i zaštitu ("Službeni glasnik BiH", br. 27/04 i 35/05) u članu 1. stav (2) iza riječi: "policijskog organa", riječi: "kao što su policijska ovlaštenja, radni odnosi, obrazovanje i stručno usavršavanje policijskih službenika u SIPA-i" brišu se, a iza riječi: "Zakon o policijskim službenicima BiH" dodaju se riječi: "Zakon o Direkciji za koordinaciju policijskih tijela i o agencijama za podršku policijskoj strukturi BiH, Zakon o nezavisnim i nadzornim tijelima policijske strukture BiH i drugi zakoni koje primjenjuje SIPA u svom radu".

U stavu (3) na kraju teksta riječ "BiH" briše se.

Član 2.

U članu 3. stav (1) tačka 4. briše se.

Dosadašnje tačke 1., 2., 3., 5., 6., 7. i 8. postaju tačke a), b, c), d), e), f) i g).

Član 3.

U članu 4. stav (3) iza riječi "ministara" dodaju se riječi: "BiH (u daljnjem tekstu: Vijeće ministara)".

U stavu (5) iza riječi "organizaciji" dodaju se riječi: "Državne agencije za istrage i zaštitu (u daljnjem tekstu: Pravilnik)", a riječi: "koji se donosi prema Zakonu o ministarstvima i drugim organima uprave BiH" brišu se.

Član 4.

U članu 5. stav (1) mijenja se i glasi:

"(1) Zaposleni u SIPA-i su policijski službenici, državni službenici, zaposlenici i ostali zaposleni u skladu s Pravilnikom".

Stav (3) mijenja se i glasi:

"(3) Na radne odnose državnih službenika primjenjuje se Zakon o državnoj službi u institucijama BiH, a na radne odnose zaposlenika Zakon o radu u institucijama BiH".

U stavu (4) iza riječi: "državnih službenika" stavlja se zarez i dodaje se riječ "zaposlenika", a riječi: "o unutrašnjoj organizaciji" brišu se.

Član 5.

Član 7. mijenja se i glasi:

"Član 7.

Rukovođenje, imenovanje i razrješenje

- (1) SIPA-om rukovodi direktor SIPA-e (u daljnjem tekstu: direktor).
- (2) Direktor ima jednog zamjenika i pomoćnike direktora, koji za svoj rad odgovaraju direktoru.
- (3) Direktora i zamjenika direktora imenuje Vijeće ministara, na prijedlog ministra sigurnosti BiH (u daljnjem tekstu: ministar), sa liste kandidata koju dostavi Nezavisni odbor, na mandat od četiri godine, uz mogućnost reimenovanja u drugom narednom mandatu.
- (4) Vijeće ministara razrješava direktora i zamjenika direktora prema uslovima i procedurama koje provodi Nezavisni odbor.
- (5) Direktor i zamjenik direktora mogu biti razriješeni dužnosti prije isteka mandata:
 - a) na lični zahtjev;
 - b) ako mu je konačnom odlukom izrečena disciplinska mjera zbog učinjene teže povrede radne dužnosti;
 - c) ako je osuđen za krivično djelo, osim za krivično djelo iz oblasti sigurnosti saobraćaja;
 - d) ako se utvrdi da je aktivni član političke stranke;
 - e) ako se na osnovu mišljenja nadležne zdravstvene ustanove utvrdi da je trajno spriječen da obavlja dužnost.
- (6) Direktor i zamjenik direktora ne mogu biti iz istog konstitutivnog naroda".

Član 6.

U članu 8. stav (2) tačka a) mijenja se i glasi:

"a) donošenje Pravilnika uz saglasnost Vijeća ministara, kao i drugih propisa predviđenih zakonom, koji su potrebni radi obavljanja poslova iz nadležnosti SIPA-e;"

Tačka b) veznik "i" zamjenjuje se zarezom, iza riječi "načelnicima" dodaju se riječi: "i ostalim rukovodiocima osnovnih organizacionih jedinica", a riječi: "o unutrašnjoj organizaciji" brišu se.

Tačka c) riječi: "zaposlenika SIPA-e" zamjenjuju se riječima: "zaposlenih u SIPA-i", iza riječi: "u skladu sa" dodaje se riječ "odgovarajućim", a riječi: "Zakonom o policijskim službenicima BiH i drugim" brišu se.

Tačke d) i e) mijenjaju se i glase:

"d) provođenje aktivnosti za nabavku oružja i municije u saradnji s Agencijom za policijsku podršku, a uz saglasnost ministra;

e) provođenje aktivnosti u vezi s programima obuke i stručnog usavršavanja zaposlenih u SIPA-i, a shodno Zakonu o Direkciji za koordinaciju policijskih tijela i o agencijama za podršku policijskoj strukturi BiH i Zakonu o policijskim službenicima BiH;"

Iza stava (3) dodaje se novi stav (4) koji glasi:

"(4) Direktor je za svoj rad i rad SIPA-e, te za situaciju na područjima iz nadležnosti SIPA-e odgovaran ministru i Vijeću ministara".

Član 7.

U članu 9. st. (3) i (4) mijenjaju se i glase:

"(3) Pomoćnici direktora i ostali rukovodeći službenici osnovnih organizacionih jedinica se postavljaju, imenuju, prestaje im radni odnos u skladu sa Zakonom o policijskim službenicima BiH i Zakonom o državnoj službi u institucijama BiH.

(4) Po isteku mandata pomoćnika direktora, policijski službenik koji je bio na takvom položaju raspoređuje se na položaj za koji je potreban čin glavnog inspektora".

Član 8.

U članu 10. stav (2) mijenja se i glasi:

"(2) Ako direktor ne može ponovo preuzeti svoje dužnosti i odgovornosti, provodi se postupak u skladu s odredbama člana 7. stav (3) ovog zakona".

Član 9.

U članu 11. tačka 3. briše se.

U tački 7. riječi: "o unutrašnjoj organizaciji" brišu se.

Dosadašnje tačke 1., 2., 4., 5., 6. i 7. postaju tačke a), b), c), d), e) i f).

Član 10.

U članu 12. naziv člana mijenja se i glasi: "Poslovi i zadaci Kriminalističko-istražnog odjela".

U stavu (1) riječi: "(u daljem tekstu: KIO)" brišu se.

Član 11.

U članu 13. naziv člana mijenja se i glasi: "Poslovi i zadaci Finansijsko-obavještajnog odjela".

U stavu (1) riječi: "(u daljnjem tekstu: FOO)" brišu se.

Član 12.

Članovi 14., 15. i 16. brišu se.

Član 13.

U članu 17. naziv člana mijenja se i glasi: "Poslovi i zadaci Odjela za zaštitu svjedoka".

U stavu (1) riječi: "(u daljem tekstu: OZS)" brišu se.

Član 14.

U članu 18. naziv člana mijenja se i glasi: "Poslovi i zadaci Jedinice za specijalnu zaštitu".

U stavu (1) riječi: "(u daljem tekstu: JSP)" brišu se.

Član 15.

U članu 19. naziv člana mijenja se i glasi: "Poslovi i zadaci Odjela za unutrašnju kontrolu".

U stavu (1) riječi: "(u daljem tekstu: OUK)" brišu se.

Član 16.

Član 20. mijenja se i glasi:

"Član 20.

Dodatni poslovi i zadaci organizacionih jedinica

Dodatni poslovi i zadaci organizacionih jedinica mogu se detaljnije urediti Pravilnikom u skladu s ovlaštenjima propisanim Zakonom".

Član 17.

U članu 21. stav (1) riječi: "vezu s Interpolom" zamjenjuju se riječima: "međunarodnu operativnu policijsku saradnju".

Član 18.

U članu 22. u st. (1) i (2) riječi: "nadležna tijela u BiH" zamjenjuju se riječima: "tijela iz člana 21. stav (1) ovog zakona".

Član 19.

U članu 23. stav (1) riječi: "svojih poslova po ovom zakonu" zamjenjuju se riječima: "poslova utvrđenih u članu 3. ovog zakona".

U stavu (3) riječi: "Ureda za saradnju s Interpolom" zamjenjuju se riječima: "nadležnih organa i institucija BiH".

U stavu (4) riječi: "Bez obzira na stav" zamjenjuju se riječima: "Izuzetno od odredbi stava".

U stavu (5) iza riječi "postupku" stavlja se zarez i dodaju riječi: "Zakonom o zaštiti ličnih podataka i Zakonom o zaštiti tajnih podataka".

Član 20.

Iza člana 24. dodaje se novi član 24a. koji glasi:

"Član 24a.

Prijelazni period

(1) U prijelaznom periodu, organiziranje i provođenje fizičke i tehničke zaštite lica i objekata organa BiH i diplomatsko-konzularnih organa koji se posebno štite u skladu s odgovarajućim zakonima, međunarodnim obavezama i drugim propisima koje donosi Vijeće ministara, obavljat će SIPA do ostvarivanja uslova da ih preuzme Direkcija za koordinaciju policijskih tijela BiH, a najkasnije u roku od 90 dana od početka rada Direkcije.

(2) Zaštićena lica, u smislu ovog zakona su: članovi Predsjedništva BiH; predsjedavajući Vijeća ministara; ministri u Vijeću ministara; predsjedavajući Doma naroda Parlamentarne skupštine BiH; predsjedavajući Predstavničkog doma Parlamentarne skupštine BiH; predsjednik Suda BiH; glavni tužilac BiH; strani zvaničnici u posjeti BiH i druga lica po odluci Vijeća ministara.

(3) Kada to situacija nalaže, po odluci direktora, a na osnovu stručne procjene SIPA-e, SIPA može pružiti zaštitu: ostalim članovima Parlamentarne skupštine BiH, ostalim sudijama Suda BiH, zamjeniku tužioca i ostalim tužiocima Tužilaštva BiH, licima zaposlenim u institucijama BiH, u diplomatskim i konzularnim predstavništvima BiH, te licima u posjeti BiH.

(4) Zaštićeni objekti i druga imovina u smislu ovog zakona su objekti i druga imovina kojoj je BiH obavezna pružiti zaštitu prema međunarodnom pravu i zakonu, ili po odluci Vijeća ministara."

Član 21.

U članu 25. stav (1) mijenja se i glasi:

"(1) Pravilnik će se donijeti u roku od 60 dana od dana stupanja na snagu ovog zakona".

U stavu (2) iza riječi "prema" dodaju se riječi: "Zakonu o Državnoj agenciji za istrage i zaštitu ("Službeni glasnik BiH", br. 27/04 i 35/05)", a riječi: "zakonima iz člana 24. ovog zakona" brišu se.

Član 22.

Iza člana 26. dodaje se novi član 26a. koji glasi:

"Član 26a. Mandat imenovanih lica

(1) Mandat lica koja na dan stupanja na snagu ovog zakona obavljaju dužnost direktora i zamjenika direktora ne može trajati duže od perioda koji je propisan članom 7. stav (3) ovog zakona.

(2) Mandat lica koja na dan stupanja na snagu ovog zakona obavljaju dužnost pomoćnika direktora za Kriminalističko-istražni odjel i pomoćnika direktora za Odjel za unutrašnju kontrolu će trajati do isteka mandata na koji su imenovani.

(3) Trajanje mandata licima iz st. (1) i (2) ovog člana računa se od dana kada su direktor, zamjenik direktora, pomoćnik direktora za Kriminalističko-istražni odjel i pomoćnik direktora za Odjel za unutrašnju kontrolu preuzeli svoje dužnosti."

Član 23.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH, broj 368/09
18. juna 2009. godine
Sarajevo

Predsjedavajući
Predstavničkog doma
Parlamentarne skupštine BiH
Beriz Belkić, s. r.

Predsjedavajući
Doma naroda
Parlamentarne skupštine BiH
Ilija Filipović, s. r.

